



Aqqa Samuelsen
Inatsisartuni ilaasortaq, Inuit Ataqaatigiit

COVID-19 pillugu ikiorsiissutinik aningaasaliissuteqarnermut tunngasutut § 37-mi apeqqutinik nr. 64/2020-miittunik akissuteqaatit

Inatsisartut suleriaasianni § 37 najoqqutaralugu Naalakkersuisut suliffeqarfimmi illua'tungerisat peqatigalugit ilusilersugaannik ikiorsiissutit 257 mio. kr.-usut qanoq Naalakkersuisut aningaasalersugarissagaat pillugu apeqquilliisimavutit.

Apeqqutit suliaqarfigisannit akineqartussanngorlugit innersuussutaapput.

Apeqqut 1

Nualluutip coronap kingunerisaanik ikiorsiinissamut aningaasaliineq maannamut 257 mio. kr.-inik sinaakkuserneqartoq, Naalakkersuisut sulisartut sulisitsisullu kattuffii peqatigalugit ilusilersugaat, qanoq Naalakkersuisunit aningaasalersorneqarniarpa?

Akissut

Ikiorsiissutit nunatta karsianit aningaasaliiffiunissaa naatsorsuutigineqarpoq. Aningaasaliissutissat immikkoortinneqanngillat, taarsiussissutitulluunniit sipaarutinik piviusunngortitsisoqarani. Taamaattumik aningaasanik atorneqarumaartussanik 2020-mi naatsorsuutit inernerisa ajornerulernerinik sunniutaasussaassaaq.

Apeqqut 2

Naalakkersuisut isumaqarpat ikiorsiissutissatut aningaasaliissutaareersut saniatigut aningaasaleeqqinnerusoqarnissaa pisariaqartinneqassasoq?

Akissut

Ikiorsiissutit tamarmiusut katillugit koruunit 257 mio. imatut agguataarneqarput:

- **Sulisartut tapersersornissaannut ikiorsiissutit:**
 - Kalaallit Nunaanni namminersorlutik suliffinni aningaasarsiallit soraarsinnagit angerlarsimaffimminnik sulinissaasa taartisiassai 107 mio. kr.-iusut
- **Inuussutissarsiorfiup tapersersornissaannut ikiorsiissutit marluk:**
 - Suliffeqarfinnut akunnittarfiit, neriniartarfiit, kiffartuussiffittut inuutissarsiorfiit aalajangersimasut assingusullu iluiniittunut

07-05-2020
Sagsnr. 2020 - 7207

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

siunnerfeqartutut ”Pilertortumik ikiorsiissutit”-nut koruunit 50 mio.

- Inuussutissarsiorfimmi immikkoortunut allanut siunnerfeqartunut ”Tamategoortutut ikiorsiissutit”-nut koruunit 100 mio.

Ikiorsiissutit 2020-mi juunip naanera ilanngullugu mannamuugallartoq atuupput.

Aningaasaliissutit suli nungunngillat. Ulloq 29. aprili 2020-mi inuussutissarsiorfinnut ikiorsiissutini 12.781.775 kr. akiliutaapput, suliffeqarfimmullu ikiorsiissutini 1.490.126 kr. akiliutaallutik.

Taamaalilluni immikkoortinneqareersunut naleqqiullugit ilassutissatut aningaasaliissutissat pisariaqartinneri pillugit nalilersuinissaq suli siusippallaarpoq. Tamanna ilaatigut nalaatarisap qanoq piaartigisumik iluarseqqinneranik aalajangerneqassaaq.

Apeqqu 3

Paasinarsippat ikiorsiissutinik sulinermi sinaakkusiussat amigartut, Naalakkersuisuusut pissutsinut tulluussarneqarnissaannik suliaqassappat?

Akissut

Ikiorsiissutininut malittarisassanut tunngasunik Naalakkersuisut suliffeqarfimmi illua'tungerisanik oqaloqateqartuupput. Taamaalilluni inuussutissarsiorfiit eqqorneqartut tamakku tapersorsorneqarnissaat siunertaralugit Naalakkersuisut ikiorsiissutaannut malittarisassianik nalilersuisoqartuarlunilu iluarsisoqartuuppoq. Assersuutigalugu ulloq 22. aprili 2020-mit aallarnerfigalugu taarsiissuteqarnermut ikiorsiissutit imatut iluarsineqarmat taarsiissuteqarnermut procenti siunissamut tunngatillugu 75 pct.-iujunnaarluni 90 pct.-iutilerana oqaatigineqarsinnaavoq.

Apeqqu 4

Nunatsinni aningaasaliinerit annersaat, tassalu mittarfiliortiterneq, ikiorsiissutissatut aningaasaliinissanut aallerfiginiarneqarpa?

Akissut

Mittarfiliornissamut katersaatinut aningaasaliissutinit aningaasanik aallertoqassannginnera Naalakkersuisut ilisimatitsissutigivaat.

Mittarfiliornissamik suliniutip ilarujussuanut pituttuisunik isumaqatigiissutinik atsiortoqarsimavoq, taakkunangalu ilaannamininngui annertunerusumik aningaasaqarnermut annaasaqaataanngitsumik kinguartinneqarsinnaassapput.

Taamaalilluni tamaanngaanniit aningaasanik aallernissaq aningaasaqarnikkut iluaqutaasussaangilaq.

Ukiuni takkuttussani inuiaqatigiit tamarmiusut ineriartortinnissaat eqqarsaatigalugu mittarfiliornissamut aningaasaliissutit piviusunngortinneqassapput. COVID-19-imik nalaataqarfik ilungersornartuuvoq, Kalaallit Nunaannulli aalajangiisumik ineriartortitsinermut pingaaruteqartussanut nunatsinni inuiaqatigiinni aningaasaliissutinut annertuunut tamakkununga kinguneqartinneqartariaqanngilaq.

Apeqqut 5

Nunatsinni aningaasaliinerit annersaat, tassalu mittarfiliortiterneq, maanna pisut aallaavigalugit, qanoq sunnerneqassava?

Akissut

Qulaani apeqqummut 4-mut akissut takuuk.

Apeqqut 6

Nunatsinni aningaasaliinerit annersaanni, mittarfiliortiternermi kommunit sanaartornermi pisussaaqataaernerat, soorlu aqquserniornissamut akisussaaqqeqarnerat pissusissamisut ingerlallunilu aningaasalersorneqarnissaat kommunit pineqartut naammassisinnaavaat?

Akissut

Attaviliinissamik sulianik pineqartunik kommunit pineqartut namminneq soqutigisamisut isumaginnittuarnissaat Naalakkersuisut aallaavigisariaqarpaat.

Apeqqut 7

Coronap tuniluunnerata kingunerisaanik nunatsinni takornariat ikileriarnissaat qanoq kinguneqassanganneqarpa:

- a) Nunatta karsianut?
- b) Nunatta suliffeqarfiutaannut takornariaqarnermik tamakkiisumik ilaannakortumilluunniit sullissisunut, soorlu Air Greenlandimut?
- c) Nunatsinni suliffeqarfinnut namminersortunut takornariaqarnermillu sulialinnut?

Akissut

COVID-19-imik nalaataqarfimmit takornariartitsisoqarfiup eqqorneqarsimanera qularutissaanngilaq. Piffissami matumani takornariartitsisoqarfiup COVID-19-imik nalaataqarfiup sunniutaanik nassuiaammik pigisaqartoqanngilaq. Takornariartitsinermut COVID-19-imik nalaataqarnerup nalilernissaa

siunertaralugu pissutsinik misissueqqissaarnissaq pillugu suliffeqarfimmi illua'tungerisanik Naalakkersuisut qanimut suleqatigiinnermi ilaapput.

Apeqqu 8

Coronap kingunerisaanik inuussutissarsiutinut allanut qanoq sunniutaassanganneqarpa?

Akissut

COVID-19-imik nalaataqarfimmi ataatsimut isigalugit inuutissarsiorfiit tamarmik eqqorneqassanerat Naalakkersuisut naatsorsuutigaat.

Takornariartitsinerup saniatigut aalisarneq aamma nalaatarisamit eqqorneqartuusooq Naalakkersuisut paasisinnaavaat. Royal Greenlandimi aalisakkanik avammut nioqquteqarnermi akit allanngoriartorneri pillugit Naalakkersuisut paasiniaasimapput.

COVID-19-imit tunisaqartarnermut niuffaffiit tamarmik eqqorneqarsimanerat Royal Greenlandip ilisimatitsissutigaa. Europami akunnittarfinnut, kantiinanut, sullissisarfinnut assingusunullu nioqquteqarnerit piviusutut naammattuugassaangillat, suliffeqarfiit maannakkut toqqortaatik ikilisaramikkik, niuffaffinnili amerlanerpaani atugassanik pisiortornerit imatorsuaq eqqugaangillat.

Apeqqu 9

Nunatta suliffeqarfiutai coronavirusip nalaannerani aningaasanik tigorianaannarnik pisariaqartitsinertik ilisimatitsissutigisimavaat?

Akissut

Ataani apeqqu 10-mut akissut takuuk.

Apeqqu 10

Naalakkersuisut isumaqarpat nunatta suliffeqarfiutai Coronavirusip nalaani aningaasanik tigorianaannarnik pisariaqartitsilerumaartut?

- a) Akissut aappiuppat suliffeqarfiit suut pineqarpat?
- b) Aningaasat qanoq annertutigisut atornissaat naatsorsuutaappat?
- c) Nunatta karsiata tigorianaannarnik aningaasaataanut tamanna qanoq sunniuteqassava?

Akissut

Suliffeqarfiup akiliisinnaassusaanut tunngatillugu qaammatit 36 tikillugit erniaqanngitsunik akilersugassaangitsumillu suliffeqarfinnut ikiorsiissutit ilaattut Naalakkersuisut periarfissiisimapput.

Ulloq 29. aprili 2020-mi ajornartoorfimmi taarsigassarsianut katillugit qulinut akuersissuteqartoqarsimavoq.

Inuussutissarsiorfinnut ikiorsiissutit ataanni tamakkiisumik 12.943.510 kr.-nit akiliutaasunit ajornartoorfimmi taarsigassarsianut koruunit 2.524.182 mio. atorneqarput.

Ikiorsiinissamik suliarisat tamakku piviusunngortinnerisigut nunatta karsiata akiliisinnaassusia killup tungaanut sunniuteqassasoq qularutissaanngilaq.

Apeqquut 11

Naalakkersuisut pisuni nalaatatsinni imaannaanngitsuni allanik paasissutissanik qanoq tunniussaqaarsinnaappat?

Akissut

Pineqartoq pillugu ilassutissanik Naalakkersuisut ilisimatitsissutissaqanngillat.

Inussiarnersumik inuulluaqqusillunga



Jess Svane